



Broj: UP1 03-1-374-16-449-2/26
Sarajevo, 27.07.2026. godine

Na osnovu člana 26. stav (4) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, br. 61/23), rješavajući po zahtjevu Laburističke stranke Bosne i Hercegovine, direktor Agencije za zaštitu ličnih podataka u Bosni i Hercegovini *donosi*

RJEŠENJE **o slobodi pristupa informacijama**

Laburističkoj stranci Bosne i Hercegovine odobrava se pristup informacijama po zahtjevu zaprimljenom 17.07.2026. godine.

Tražene informacije sadržane su u obrazloženju Rješenja.

Obrazloženje

Agencija za zaštitu ličnih podataka u Bosni i Hercegovini (u daljem tekstu: Agencija) je dana 17.07.2026. godine zaprimila zahtjev Laburističke stranke Bosne i Hercegovine za pristup informacijama u skladu sa odredbama Zakona o slobodi pristupa informacijama na nivou institucija Bosne i Hercegovine (u daljem tekstu: Zakon).

Uvidom u zahtjev utvrđeno je da je isti podnesen u skladu sa odredbama člana 23. Zakona o slobodi pristupa informacijama na nivou institucija Bosne i Hercegovine.

Postupajući po predmetnom zahtjevu, Agencija je, u skladu sa odredbama člana 26. stav (1) Zakona, poduzela sve potrebne radnje kako bi prikupila tražene informacije i razmotrila sve činjenice i okolnosti koje su značajne za obradu predmetnog zahtjeva.

Na osnovu navedenog, odlučeno je kao u dispozitivu Rješenja, te se Laburističkoj stranci dostavlja informacija kako slijedi:

Pitanje 1. Agencija je zaprimila akte Centralne izborne komisije u Bosni i Hercegovini (u daljem tekstu: CIK BiH) broj: 05-1-07-5-864-2/26 od 29.05.2026. godine, 05-1-07-5-863-2/26 od 02.06.2026. godine i 05-1-07-5-902-2/26 od 08.06.2026. godine.

Pitanje 2,3,4. Akt CIK BiH broj 05-1-07-5-864-2/26 od 29.05.2026. godine, zaprimljen je 01.06.2026. godine i evidentiran je pod brojem 03-1-50-1161-1/26.

Akt CIK BiH broj 05-1-07-5-863-2/26 od 02.06.2026. godine, zaprimljen je 03.06.2026. godine i evidentiran je pod brojem 03-1-50-1177-1/26.

Akt CIK BiH broj 05-1-07-5-902-2/26 od 08.06.2026. godine, zaprimljen je 09.06.2026. godine i evidentiran je pod brojem 03-1-50-1229-1/26.

Pitanje 5.-17. Sadržaj dostavljenih akata ukazuje na postojanje sumnje u počinjenje jednog ili više krivičnih djela, za čije su otkrivanje, istraživanje i krivično gonjenje nadležna tužilaštva. CIK BiH je predmetne podneske naslovila i dostavila nadležnom tužilaštvu na dalje postupanje, te Agencija iste nije prosljedjivala na nadležno postupanje.

Pouka o pravnom lijeku: Protiv ovog Rješenja može se izjaviti žalba Žalbenom vijeću pri Vijeću ministara Bosne i Hercegovine u roku od 15 dana od dana prijema. Žalba podliježe plaćanju administrativne takse u iznosu od 10 KM na osnovu Zakona o administrativnim taksama („Službeni glasnik BiH“, br. 16/02, 19/02, 43/04, 8/06, 76/06, 76/07 i 98/12), tarifni broj 2.

Dostaviti:

- Laburistička stranka Bosne i Hercegovine
Ibrahima Mržljaka 84
77230 Velika Kladuša,
- Službenik za informisanje;
- Web redakcija;
- U spis.

